

## **Clypevs Theologiæ Thomisticæ**

Continens Tractatus de erroribus Pelagianorum, de Gratia, de  
Iustificatione & Merito, de Virtutibus Theologicis, & quatuor Cardinalibus,  
ac de ineffabili mysterio Incarnationis

**Gonet, Jean-Baptiste**

**Parisiis, 1669**

§. I. Quibusdam præmissis, Catholica veritas statuitur,

---

[urn:nbn:de:hbz:466:1-77342](#)

209. Innocentius VIII. Genuensis.  
210. Alexander VI. Borgia Valentinus Hispanus.

## XVI. Seculum.

211. Pius III Senensis.  
212. Julius II. Savonensis.  
213. Leo X. Florentinus.  
214. Hadrianus VI. Traiectensis Flander.  
215. Clemens VII. Florentinus.  
216. Paulus III. Farneſius Romanus.  
217. Julius III. Arctinus.  
218. Marcellus II. Politianus.  
219. Paulus IV. Neapolitanus.  
220. Pius IV. Mediolanensis.  
221. Pius V. Alexandrinus, Ordinis Prædic.  
222. Gregorius XIII. Bononiensis.  
223. Sixtus V. ex Marchia Anconitana.  
224. Urbanus VII. Romanus.  
225. Gregorius XIV. Mediolanensis.  
226. Innocentius IX. Bononiensis.  
227. Clemens VIII. Florentinus.

## XVII. Seculum.

228. Leo XI. Florentinus Medices.  
229. Paulus V. Romanus.  
230. Gregorius XV. Bononiensis.  
231. Urbanus VIII. Florentinus.  
232. Innocentius X. Romanus.  
233. Alexander VII. Senensis.  
234. Clemens IX. Pistoriensis, qui feliciter regnat.

**I**16. Circa adductum Summorum Pontificum Catalogum, quatuor breviter observanda sunt. Primum est, ex ducentis triginta quinque Pontificibus recentis, triginta quinque fuisse Martyres, & triginta septem Confessores, Sanctorum catalogo adscriptos. Secundum, quinquaginta duo e diversis Religiosorum Ordinibus ad Pontificiam dignitatem, virtutis merito, fuisse electos. Tertium, quatuordecim ex illis fuisse ex Gallia, quatuor ex Hispania, quatuor ex Germania, unum ex Anglia, unum ex Belgio, quindecim ex Graecia, septem ex Syria, tres ex Africa, duo ex Sardinia; ceteros vero omnes, aut patria Romanos, aut natione Italos fuisse. Demum observandum est, nullum ex illi ducentis triginta tres Pontificibus, huc usque exæquasse dies Petri; immo aliquos fuisse, qui nec integrum mensē, sed nec hebdomadam unā sui Pontificatus compleverint. Nam Stephanus II. dies tantum 4. in Pontificata vixit, Urbanus VII. dies 7. Bonifacius VI. dies 15. Celestinus IV. dies 17. Sifinnius dies 20. Marcellus II. dies 21. Damasus II. dies 23. Pius III. dies 26. Leo XI. dies 27. Cujus rei piam & egregiam affixat rationem Petrus Damiani opusculo 25. cap. 1. ubi Alexandrum II. sic alloquitur: *Aliquando à me sollicité requisisti, que mihi causa videtur, cur Apofolice Sedis Antis nunc quam diutius vivat, sed intra breve temporis spatium diem claudat extremum; adeò ut post B. Petrum Apostolum, qui per quinque circiter annorum lustra præfedit, nemo postmodum Romanorum Pontificum hoc statum præstulatus aquaverit: modernis immo temporibus, vix quispiam in predicta Sedis culmen evabitur, qui metam quatuor, vel ut multum, quinque transcedat annorum? Quod considerantibus prodigalis, ut ita loquar, stupor oboritur, quoniam hac breviter vivendi necessitas, quantum ad nostram notitiam, in*

A nulla alia orbis Ecclesia reperitur. Sed inquantum mortalibus divine dispensationis revelatur arcana, videtur nobis, quod idcirco hoc judicij celestis ordo disponit, ut humano generi metum mortis iniciat; & quam despicienda sit temporalis via gloria, in ipso gloria principatu, evidenter ostendat; quatenus dum præcipius hominum tam angusti temporis compendio moritur, tremefactus quisque ad praestolandi suis obiis custodiā pro- vocetur, & arbor humani generis, dum cacumen ac verticem suum tam facile corruiſſe considerat, statu concusſa formidinī, in suis undeque ramulis contremiscat.

Hanc Pontificatus brevitatem diligenter inculcat D. Bernardus Epist. 237. ad Eugenium scribens: *In omnibus operibus (inquit) memento te esse hominem, & timor ejus qui auferit spiritum Principum, semper sit ante oculos tuos. Quantorum in brevi Romanorum Pontificum mortes tuis oculis aperixisti? Ipsi te predecessores mihi certissima & civissime decessione admoneant; & modicum tempus dominationis eorum, paucitatem dierum tuorum nuntiet tibi. Fugi proinde meditatione, inter hujus praesentis gloria blandimenta, memorare novissima tua: quia quibus successisti in Se- dem, ipsos sine dubio sequeris ad mortem &c.*



## DISPUTATIO V.

## De Sacris Ecclesia Concilijs.

**U**T omnes fidei regulæ explicitur, de Sacris Ecclesia Concilijs, eorumque in rebus fidei determinandis infallibilitate, superest nobis breviter differendum. Unde sit

## ARTICULUS PRIMUS.

Vtrum Concilium generale, legitime congregatum, & celebratum, in determinando res fidei errare nequeat, subindeque sit regula infallibilis nostræ fidei?

## §. I.

Quibusdam premissis, Catholica veritas statuitur.

**S**Vppono primò, Concilium sic definiti posse, Congregatio primorum Ecclesiarum sub uno certo capite, ad controversias fidei definiendas, legesque universales ad totius Ecclesiarum mores spectantes condendas. Dicitur Congregatio primorum, quia ad Concilium vocari non debent, nisi principales Ecclesiarum prælati, cuiusmodi sunt Episcopi, Archiepiscopi, & Patriarchæ, qui soli in eos suffragij habent; Abbares vero & Generales Religionum, non nisi ex privilegio & concessione Pontificum illi intersunt. Vocantur etiam ad ilud Theologi & Doctores, non ad ferendum suffragium, sed ad disputandum & causas fidei examinandas. Subditur sub uno capite, quia non est Concilium, sed conciliabulum, quod non est congregatum sub uno certo capite & Pastore Ecclesiarum. Additur: ad controversias fidei definiendas,

## DE SACRIS ECCLESIAE CONCILIIS. 295

*legesque universales condendas: quibus verbis infinitarum causa finalis propter quam solent Concilia cogi. Unde si Prælati Ecclesiae propter aliqua negotia sæcularia congregarentur, non dicteret Ecclesia Concilium.*

2. Suppono secundò, Concilium sic definitum esse quadruplex, nimirum Generale, Nationale, Provinciale, & Diœcesanum. Concilium generale dicitur cui interesse possunt & debent, nisi legitime impediatur, Episcopi totius orbis cum Se de Apolitica communione habentes, unde dicitur etiam œcumenicum, id est totius orbis Concilium, & illi nemo rectè præsider, nisi Summus Pontifex, si eum habeat Ecclesia, aut alias ejus nomine. Concilium nationale est illud in quo convenienti Archiepiscopi & Episcopi unius regni vel nationis, cuique præselle debet Patriarcha aut Primas. Talia fratre multa ex Concilijs Romanis, Toletanis, & Africanis, quæ vocantur interdum Concilia universalia, non quod generalia sint absolutæ, sed quia generalia sunt quoad aliquod regnum. Concilium verò pro vinciale illud est in quo Episcopi unius duntaxat Provinciæ congregantur, cuique præselle debet Archiepiscopus, five Metropolitanus. Denique Concilium Diœcesanum dicitur illud in quo tantum congregantur Canonici & Patrochi unius Episcopatus, cuique Episcopus loci præsider; & hoc postremum Concilium vix nomen Concilij mereret, quandoquidem Concilia jurisdictione exteriori gaudere debet: in Diœcesanis autem nullus est ordinariè, præter Episcopum, qui hac jurisdictio ne polleat.

3. Suppono tertio, Concilia particularia sive nationalia sive provincialia, non confirmata a Summo Pontifice, posse errare in rebus ad fidem pertinentibus; taliis est Carthaginense Concilium sub D. Cypriano, quod fuit nationale, celebratum, & legitimum Episcoporum 85. quorum plerique Martyres aut Confessores erant, ut colligitur ex Epistola Cypriani ad Jubianum; & tamen erravit, definiendo baptizatos ab hereticis esse iterum baptizandos. Nec mirum, talia enim Concilia non sunt universalis Ecclesia, neque illam repræsentant, nec invenimus promissionem aliquam eis specialiter factam de infallibilitate. Eapropter hæresis Pelagiana à Concilio nationali Africano 217. Episcoporum damnata, non prius ab universalis Ecclesia damnata est, quā Zozimus Papa decreta illius Concilij confirmasset, ut referit D. Prosper in chronicō, & D. Augustinus 2. retract. cap. 20. non dicit hæsim Pelagianam ab Africanis Conciliis quæ particularia erant damnata, sed à Pontificibus Innocentio & Zozimo, cooperantibus Africanis Concilijs.

4. Denique ut certum supponimus, Concilium generale illegitimum posse errare, subindeque non esse regulam fidei: ut patet ex Ariminensi sexcentorum Episcoporum, non coacto autoritate Summi Pontificis, in quo approbatus fuit Arrianismus, Ephesino secundo, autoritate Theodosij junioris, à Dioceoro Alexandino celebrato, quod sprevit Legatos Pontificis, & favit Eutycheti: Constantinopolitano in Trullo, quod can. 2. approbat Synodus Cypriani de rebaptizandis hereticis, aliaque multa perperam statuit: altero Constantinopolitano sub Leone Armeno anno 814. damnante cultum sacrarum Imaginum, reluctantibus Nicolai Papæ Legatis: qui etiam cultus damnatus fuit ab altero Conci-

A. lio 330. Episcoporum, coacto à Constantino Copronymo.

Solū ergo difficultas est, an Concilium generale, legitime congregatum, & celebratum, cui Summus Pontifex per se vel per suos Legatos præfens adest, non possit errare in his quæ definit esse tenenda fide divinæ, subindeque sit infallibilis regula fidei? Id enim negant hujus temporis heretici, contendentes Concilia generalia, etiam legitime congregata, & à Summo Pontifice approbata, esse errori obnoxia. Pro cujus erroris impugnatione

Dico breviter, Concilium generale, legitime congregatum & celebratum, non posse errare in determinando res fidei, subindeque illud esse infallibilem fidei regula.

B. Colligitur ex Scriptura: Dicitur enim Matth. 18. *Vbi sunt duo vel tres congregati in nomine meo, ibi sum in medio eorum: Sed Concilium legitime congregatum, est congregatum in nomine Christi: igitur in medio ejus præsider Christus suā infallibili assentiā. Item Act. 15. dixerunt Apostoli: *Visum est Spiritui Sancto & nobis &c.* Quibus verbis non obscurè significantur, Conciliorum definitiones esse à Spiritu Sancto, ac proinde infallibilis. Favent etiam SS. Patres, ipecialiter S. Gregorius lib. 1. Epistolarum, Epist. 24. ubi dicit se venerari quatuor Concilia generalia (videlicet Nicænum, Constantinopolitanum, Ephesinum, & Chalcedonense, que ipsum præcesserunt) sicut quatuor Evangelia.*

C. Ratio etiam sufficiat: De fide enim est, Ecclesiam universam errare non posse in credendo & docendo, illa enim est columna & firmamentum veritatis, contra quam portæ inferi nequeunt prævalere, ut supra ostensum est: Atqui si Concilium generale, legitime congregatum, & celebratum, errori obnoxium esset, eo ipso erraret universalis Ecclesia in credendo & docendo, cum tale Concilium universam repræsentet Ecclesiam, & tota Ecclesia auctoritas in eo sit; adest enim Summus Pontifex per se, vel per suos Legatos, & Episcopi, qui sunt Ecclesia Principes, & nobiliores ejus partes seu membra, ei assistant: Ergo &c.

D. Confirmatur: Vel Ecclesia omni regulâ vivâ & judice controversiatum sufficienti destituta est (quod quā sit absurdum suprà ostendimus) vel id Concilio generali legitimo, id est capitii & præcipuis membris Ecclesiam totam repræsentantibus concedi debet: neque enim hæc regula potest esse totum corpus Ecclesie, ut comprehendit omnes Catholicos, propter impossibilitatem omnes cogendi vel consulendi, & propter alia multa, quæ loco citato adduximus.

E. Addo quod, si Concilia generalia, legitime congregata, & auctoritate Summi Pontificis confirmata, errori obnoxia essent, possent in dubium revocari omnes in illis hæreses damnatae: posset dicere Arrius, errassi Nicænum, Macedonius Constantinopolitanum, Nestorius Ephesinum, Euryches Chalcedonense, sicutque omnes sacerdotes hæreses & extintæ ex suis cineribus resurgent, & quatuor prima illa Concilia nullo honore digna essent, cum tamen ea videamus etiam ab Adversariis cum honore suscipi, & D. Gregorius suprà relatus testetur, se non minus illa quā quatuor Evangelia venerari.